



Nanngarjaujuq Lorne Kusugak  
Minista Kiinaujaliqijitkunun  
Minista munariyaqaqtaq Taangaliqinirmut Laisiqaqtittinirmun Katimayiita

Hikutirvia 7, 2022

### **Ministangit Atuqtakhangit**

Halu Minista Kusugak,

Hivuliqtiplunga Nunavunmi, Titiraqtunga ilitugipkaijumaplunga atuqtakharnik **Minista Kiinaujaliqijitkunni** (FIN). Angirutiqagiikhimajugut munagidjutiqaqtutin tamaat qanuriliuqtunun hulilukaarutingnik havaktauhimajut havagvingni, ilaujut:

- Ikajukhimaqaqtuq uqaudjiulaughuni Nunavut Kavamanmun maningnik maniit atugakhatlu akitujut ihumagijaujunik; unalu
- Havakhimaarlutik allatqiingujut piumaluuaqtunik hanaqidjutikhangit hulilukaarutikharniklu naunaijaijaangat ikayuutikharniklu iniqtirutikharnik kavamangit atuqtakharnik Katujjiluta.

### **HIVULLIUTIJUKHAQ QANURILIURUTIKHAT**

Katujjiluta ilauhimajuq hanaqidjutikhangitni hulilukaarutikharniklu tallimaniitunik piumaluuaqtajun:

- Inirninguqtirniq ihumagittiaqtauluni Nunavunmi;
- Angiklihaqjuummirlugu iglukhaqarnikkut auladjutaa;
- Pipkainirnianik aanniaqtailinirnun mamiharnirnullu;
- Pilluaffaarumanirnik iliharnirnun; imaalu
- Angiklihaqtirnikkut nunallaaptikni piangajautikhnik.

Havakhimaliktugut ilaujukharnik upautikhnik piumaluagijaptingnik, taima pilimaitaangat havagviit kituliqaak aviktuqhimanirmi kuapuraisingit hivuliqtilimaitun kiudjutikharnik tamainik hanaqidjutikharnik piumaluqaqtaptingni havaanganik.

Angirutigivakhimajugut kiudjutiqaqtuhi hivuliqtijaangat piumaluuaqtunik hanaqidjutikhant hulilukaarutikhangitlu ilitagijauhimajut ataani. Una ilaujuq naunaijainiq nalaumadjutikharnik tutqikhaidjutikharniklu hanaqidjutikhant avatingni Nunavut Kavamangit havaqatigijaptingnilu, ihuarutiqaqhimajuni.

Hivuliujuq piumaluaqtajujuq, angirutiqagiikhimajutin havagianganik qilaminuaq hanaqidjutikharnik ukuninga:

- Tunihimaarlutin naunaitunik ikajutikharnik Katujjilutanun talvuuna maniliqidjutingnik aulajunik ihivriudjutikharnik malikhautikharnik pivalladjutingnik aulahimajut talvuuna aulatitihimaaqtunik atuqtakharnik hivunikhaliurutingniituni (aulahimaaqtun); unalu
- Havaqatigiiklugit havagviit talvani Nunalingni Kavamatkunillu Pivikhaqautikkut (CGS), Pivallayuliqiyikkut Ingilrayuliqiyitkullu (EDT), Havaktuliqijitkut (HR) pivallajaangat qanuriliurutikharnik, havaktakharnik upalungairutikharnik kiklivikharniklu auladjutikharnik nalaumadjutikharnik Pivallajuliqijikku Ingilrajuliqijitkut (EDT) Nunalingni Kavamatkunillu Pivikhaqautikkutlu (CGS) (2022-23);

Ikajugianganik malikhautikharnik hivunikharnik hanaqidjutingnik kavamaptingni, angirutiqagiikhimaliqtutin imailiugiangat:

- Havaqatigilugit Nunavunmi Igluliqijurjuatkut Havaktuliqijitkutlu paqidjutikharnik pidjutikharnik pijaangat atuqtakharniklu nunaqaqtuni igluqaqtunik Nunavut Kavamanmi havaktunut iglungnin nunalaanun igluliqijitkut iglungnun akiligiaqatunun atuqtunik iglunun nanminikharnikluuniit iglumun (aulahimaaqtuq).

## **ILAUJUT KIURUTIKHANGIT**

Ilaujukharnik talvani atuqtakharnik piumaluaqtainik titiraqhimagut qaangani, kiugiaqaqtutinlu taimaitkuvin:

- Minista munariyaqaqtuq Taangaliqinirmut Laisiqaqtittinirmun Katimayiita
- Ikhivautaq Maniliqidjutinik Munarjut Katimajiit
- Ilaujurlu Angijukhiit Aulattititjut Titiraqtiat
- Katimajiuut Ministangit Katimajiit talvuuna Amigairjumirnakkut Iglukhangit Igluqpangitlu
- Katimajiuut Ministangit Katimajiit, Piumaluaqtajunjik, Upalungiarnikkut, Havaqatigiirnikkutlu

## **HAVAQATIGIIRNIKKUT**

Katujjiluta atiinaungituq uvani atuqtakhaftingniituuq. Malikhautikhaq hivunikhaliurutiqaqhimajuq naunairutiqaqtuq atuguminaqtumik auladjutikharnik qanuq havaqatigiirniaqtugut atautimiitluta iniqtigijaangat uqagiikhimajaptingnun Nunavunmun. Ilitugipkaktilutin piumaluaqtangnik, ajungnairutiqaqhimajunga taimailiurniaqtugut:

- **Havangniaqtavut Ministangit Katimajijiujutlu aulatitijaangat iliqatigiiktakharnik aturniaqtaptingni;**
- **Hviutunirmun akhuqicaidjutikharnik havaqatigiiktukharnik Nunavut Tunngavikkut Timinga Avikturnirmiitun Inuit Katimajijingit nalautitijaangat hanaqidjutikhaptингnik hivunirmun naunaitumun auladjutikharnun;**
- **Napaqtigijaangat katiqhimanikkut ikajuutikharnik amigairjumiqhimajut ihuarutikharnik Inuit havaktikharnik talvani kavamanmi havakhimaaqtunik ikajuktunun; unalu**
- **Tautuktithimaarlutiklu Inuit inuuqatigiingnikkut akhurutigijangit unalu Inuit Qaujimajatuqangit hanaqidjutikharnik iniqtigijaangat naunaituq hivutunikharnik allanguqtirutikharnik.**

Tuglia Atangujatigun kiudjutiqaqhimajurlu ikajukhimaarnikkut ilingnun tikiutijaangat havaktakharnik iniqtitijaangatlu munagidjutikharnik talvani itunik havaktamingnik naunaitkutingni. Munagidjutiqaqtutin tunijaangat naunaitunik havaktauhimajukharnik talvunga Tuglia Atangjarnun, ilaujutlu atuqtakharnik havaqatigiirnikkut iliqatigiirnikkutlu talvani hivutunirmilu Nunavut Kavamanmi.

Quviahuktunga niugiuktungalu havaqatigijaaffingni talvuuna pivalliadjutikharnik naunairutiqaqhimajut havaqatigiirnikkut havakhimaarnirlu tutqikhaidjutikharnik havaqatigiirnikkut hanaqidjutikharnik ihuarutiniaqtun ubluq tamaat inuuhirnun Nunavunmiunun tungavikharniklu ajungnairutikharnik hivunikhaptингnun.

Pittiarnikkut,

P.J. Akeeagok  
Hivuliqtu Nunavunmun

cc. Jimi Onalik, Tugliuyuq Ministamu Tikkuqaqtauhimajununlu Katimajit Titiraqtı,  
Kavamaliqiiyitkunni